

*coelestem Academiam e Schola nostra à sapientissimo DEO, cuius viae sunt imperuestigabiles, translatus sit, REVERENDISSIMA ATQVE ILLVSTRISSIMA PRINCEPS ABBATISSA AC DOMINA NOSTRA, qua est clementia, suarum partium esse duxit, eò animi vires intendere, vt vacanti Rectoris officio pius iterum ac eruditus Vir praeficeretur, hanc non exigui momenti rem probe perpendit, cum Dominis Praefide & Assessoribus Consistorii sui de ea consultauit, tandemque decreuit, vt in Ipsius locum Dn. M. Samuel Schmidius surrogaretur, Schmidio sufficeretur Dn. Gregorius Lehmannus, Lehmanno succederet Dn. M. Ioannes Fridericus Meisnerus, Meisneri sedi admoueretur Dn. Victor Werkmeister, Werkmeisteri autem spartam Dn. Iacobus Hoffmann adornaret, illaeque Personae omnes hoc ipso die solennibus & consuetis ritibus introductae classibus suis sisterentur. Tuae igitur fidei, DN. M. SAMVEL SCHMIDI, in nomine Sacrosanctae & indiuiduae Trinitatis, post hunc autem Trinunum DEVM, Nomine & Autoritate Reuerendissimae & Illustrissimae Principis ac Dominae, DOMINAE ANNAE SOPHIAE, Comitissae Palatinae ad Rhenum, Ducis Bauariae, Imperialis ac liberae huius Dioeceseos Abbatisae, Comitissae in Veldenz & Spanheim, Principis & Dominae nostrae Clementissimae, Rectoris, Tuae vero, Dn. Lehmanni, ConRectoris, Tuae, Domine M. Meisneri, quoad Graecas Lectiones Tertiae, quoad Graecas & Latinas simul Quartae, Tuae, Dn. Werkmeisteri, Octauae, & Tuae, Dn. Hoffmanni, Nonae Classium officia commissa sunt, Vosque in istis, modo, quo fieri potest, optimo confirmati estote, addito a Principe ac Domina nostra mandato severissimo, vt ante omnia pietatem colatis, talesque Vos, vnde omnium Virtutum exempla peti possunt, exhibeatis, omnium discipulorum oculos in Vos coniectos arbitantes, Vosque quasi in aliquo orbis Theatro versari, existimantes, nullum tempus dimittatis, neque diurnum neque nocturnum, quin, de dextra discipulorum informatione quid cogitandum sit, cogitetis, & quod agendum sit, non modo non recusetis, sed appetatis etiam & deposcatis, nec maledictis, nec scommatibus Vos inuicem laceffatis aut laceretis, nec vitiosa aemulatione, quae riuallitati similis est, Vos aemulemini, sed fraternam potius amicitiam colatis, & alter alterius honori velificetur. Disciplina scholastica nec nimis laxa & remissa, nec nimis intensa, rigida & liberalibus ingeniis, quae non silice nata sunt, minus accommodata esto. Sicut enim illa effrenos & dissolutos: ita haec stupidos & de-*

de-